

四庫全書存目叢書編纂委員會編

齊魯書社

四庫全書存目叢書

子部
第七〇冊

魯新登字 07 號

責任編輯：孫言誠 賀 偉

ISBN 7-5333-0478-0



9 787533 304782 >

EB00-1/1

四庫全書存目叢書·子部七〇

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 53.125 印張

1995 年 9 月第 1 版 1995 年 9 月第 1 次印刷

印數 1-100

ISBN 7-5333-0478-0

Z·27 子部定價：78300 圓

子部第七〇冊目次

子部・術數類

夢占類考十二卷

〔明〕張鳳翼輯
清華大學圖書館藏明萬曆十三年王祖嫡刻本

..... 一

夢林玄解三十四卷首一卷

〔明〕何棟如輯
中國科學院圖書館藏明崇禎刻本

..... 二一四

夢占類考十二卷

〔明〕張鳳翼輯

清華大學圖書館藏明萬曆十三年王祖嫡

刻本

附《四庫全書總目·夢占類考

十二卷》提要

夢占類考序

夫為夢之說者曰想曰因而已所謂想者以形神相接而言者渴之夢飲饑之夢食是也所謂因者以形神不相接而言者陰壯夢水陽壯夢火是也華胥之遊可以觀想餽饌之夢可以觀因然孫穆見牛之類於牛未至之前曹人曰公孫瑾之名於瑾未生之日則不可盡歸之想亦不可盡歸之因有想多因何想因何因想因何因想因想相索而鈞之在心之初也故儒先以為從心者如夢又以為夢寐卜而與子之浦深豈惟字哉或敗書錢皆可以夢而卜者何也勅求四體善不善可先志知也為四體之求夢也者心之機動之微而吉凶之先見者也心發於機微於夢機多者惡夢多吉凶以機觸機之皆先覺是故取作致夢多商化能夢周以戒陟而周禮大卜掌之

汲冢之書其來遐矣而瑣語十一篇諸國之卜
夢與焉澤藝文志七略首卜夢其說以衆占
此一而夢為大甚矣夫占之其良於夢也迨
至魏晉代名家家沿及宋元無復留意甚則
較僧於藉肆者托名於周公文孔子之於周公
蓋夢夢之其公則未嘗夢也矧有書半而
奚傳哉傳不於周禮而可一書君是哉且夢
君地同而殊睡者亦有地殊而睡同者乃刻舟
而求雷燬之劍鏢柱而較湘靈之瑟是讀周官
於父書徵管輅於緒論立趙直於斷晉坐宋
壽於緒編將以楷越而教益生將以辨惑而惑
滋甚又安能因黃熊而復夏祀緣青蠅而發
昌邑城不佞曩年大病醫工欲手以友夢為
愈乃惟失哲之秘術雖生其傳而已臨之陳詒
可以考見於是原始六經歷稽諸史系之羣
籍旁及稗家云於時之遠近人之華商凡

序

二

序

三

易微於夢者因不擇而採為節之曰夢占類
考比類而從多且據目則耶法於測向之泄範
不衍傳悉紀錯繇適於事因則取濟於王累
之大術玄至差有稽實符虛之意不世援
古証今之益引而伸之觸類而長之庶幾
術珍君寢而無寐索飲無言而君書無位
求夢記於華陽而夢可卜也其乃夢凶
而得吉夢多吉而得凶則休咎無考故肆不
一不存年吾人耳

萬曆乙酉春日凌君外史張鳳翼書



夢占類考凡例

一詩云訊之占夢漢藝文志以為衆占非一而夢為大故曰夢占

一門類部分部內復自有分如天象日先於月人身首先於肩之類類中方以世代先後列之其世代不相遠者則先正史而後稗家

一每類俱以得夢者年代為次序惟聖賢部則以所夢聖賢為次序不在此例云

一夢本虛幻苟無考覈益歸繆悠故惟六經二十一史六子則直錄之或節略餘稗家即有去取至宣淫不根之

說雖有顛末亦皆不收

一夢有似凶而實吉者有似吉而實凶者有在此則吉而在彼則凶者猶易之悔吝及大人吉小人否與小人勿用之類占夢者當自得之

一芻狗鴛瓦赤犬化龍之類雖非實夢亦由想因且紀載可據故特存之

一夢後有斷語或因史冊舊文如王劭詭對之類則太書或採後人之論附之如胡氏論侯景之類或附以愚見如論陳子高採文帝之類則皆分行細書

一凡夢者多以姓名或以爵諡一因舊文惟本朝者不

敢直書其名故姓下間以爵如其尚書某之類至晉識面或師或友或交知先世則於姓下稱公或稱先生然後紀其名云

一古人詩詞或實紀夢且考其歷復似有默兆乃錄之不槩取也

一本朝諸事亦俱採之吾學編皇明通紀明興雜記孤樹褒談野記諸書皆先此已刊行者非徒得之談說而已

一夢而有分見兩門者如鄧通一事在天象部則取諸史記在帷服部則取諸漢書之類其詳略亦不同故不

嫌重複也其他則但云詳某部某人云

一夢有得於面談者必其人可信其夢已驗方紀之然亦存什一於千百耳不敢泛也已夢有奇驗者僅附一二

凡例畢

夢占類考目錄

第一卷 凡三部

天象 地理 聖賢

第二卷 凡二部

人身 彙倫

第三卷 凡二部

飛鳥 走獸

第四卷 凡四部

鱗介 昆蟲 品物 飲食

第五卷 凡三部

棟宇 成器 舟車

第六卷 凡四部

帷服 純綺 珍寶 五金附 醫藥

第七卷 凡三部

爵祿 旂常 名姓

第八卷 凡二部

文翰 音樂

第九卷 凡四部

燈火 什百 呼召 虔劉

第十卷 凡二部

陵墓 英靈

第十一卷 凡二部

冥感 輪迴

第十二卷 凡三部

黃冠 緇流 說夢

目錄

萬曆乙酉孟夏
信陽王氏梓行

目錄畢

夢占類考卷一

長洲張鳳翼起編

天象部

天 上天

帝堯受封於唐為諸侯嘗夢上天故二十而登帝位帝王世紀

餽天

成湯夢及天而餽之後伐桀有天下漢書

天壓已

初穆子去叔孫氏及庚宗穆子叔孫豹也成十六年避遇

天象

卷之一

六

婦人使私為食而宿焉問其行告之故哭而送之適齊娶於國氏生孟丙仲壬夢天壓已弗勝夢也顧而見人黑而上僂深目而緞喙號之曰牛助余乃勝之旦而皆召其徒無之且曰志之及宣伯奔齊穆子饋之宣伯即叔孫僑宣伯曰魯以先子之故將存吾宗必召女魯人果召之既立魯召穆子所宿庚宗之婦人獻以雉問其姓對曰余子長矣能奉雉而從我矣召而見之則所夢也未問其名號之曰牛曰唯皆召其徒使視之遂使為豎有寵長使為政於是國姜之子孟丙仲壬長矣使逆之逆諸齊田於丘蔣穆子改也遂遇疾焉豎牛欲亂其室而有之強與孟盟不可使拘而

殺諸外牛又強與仲盟不可逐之奔齊疾急命召仲牛許而不召杜洩見杜洩叔孫氏宰也告之飢渴牛弗進則置虛命徹

十二月癸丑叔孫不食乙卯卒牛立昭子而相之昭子穆子之庶子左傳

子叔孫姑也左傳

負公登天

初晉侯夢大厲問桑田巫言不食新矣新新也至六月丙午晉侯欲麥使甸人獻麥饋人為之召桑田巫示而殺之

將食張張去聲腹滿也如廁陷而卒小臣有晨夢負公以登天及

日中負晉侯出諸廁遂以為殉此晉景公也左傳

推上天

推上天

天象

卷之一

二

鄧通以灌船為黃頭郎孝文帝夢欲上天不能有一黃頭郎從後推之上天顧見其衣袈帶後穿覺而之漸臺以夢中陰目求推者郎即見鄧通其衣後穿夢中所見也召問其名姓姓鄧氏名通文帝說焉尊幸之日異通亦愿謹不好外交雖賜洗沐不欲出於是文帝賞賜通巨萬以千數官至上大夫史記

捫天

和熹鄧皇后太傳禹之孫也嘗夢捫天蕩蕩正青若有鍾乳狀乃仰嗽飲之以訊諸占夢言堯夢攀天而上湯夢及天而餽之斯皆聖王之前占吉不可言永元七年后與諸

家子俱選入宮八年入掖庭為貴人時年十六恭肅小心動有法度帝深嘉焉十四年夏陰后以巫蠱事廢至冬立為皇后元興元年帝崩殤帝生始百日后乃迎立之尊后為皇太后太后臨朝及殤帝崩太后定策立安帝猶臨朝臨朝十載水旱頻仍四夷外侵盜賊內起而每聞人饑或達旦不寐躬自減徹以救災阤故元初以後天下復平歲還豐穰在位凡二十年

漢書

一木破天

王敦舉兵內向次于湖許遜與吳君同往上謁異說止之時郭璞在幕府乃因璞與俱見處仲喜延之飲而問曰予夢一木破天君等以為何如遜曰非嘉兆也吳君曰木上破天未字也公未可妄動敦不聽以至於敗

晉書

豎竿中天

張斌當舉孝廉夢豎竿中天索統曰此未字也斌果倖

史

天門開

薛安都征關陝至白口夢仰頭視天正見天門開謂左右曰汝見天門開否及宋世祖踐祚以公封南鄉縣男乃歎曰夢天開乃中興之象邪

南史

帝騎上天

武士護自言嘗夢帝騎而上天帝笑曰爾故王威黨也

史

夢天詩

老兔寒蟾泣天色雲樹半開壁斜白玉輪軋露濕圓光驚珮相逢桂香陌黃塵清水三山下更變千年如走馬遙望齊州九點烟一泓寒水杯中瀉

李賀集玩詩意已兆白玉樓事

天門九重

詳人身部陶侃

抱子升天

詳彛倫部宇文泰

乘龍昇天

詳鱗介部唐宣宗

天象

卷之一

捧天

詳人身部韓魏公

日月

日月着身

周文王夢日月着其身

帝王世紀

日月入懷

孫堅吳夫人孕而夢月入其懷既而生策及孕權又夢日入其懷以告堅曰昔姪策夢月入我懷今也又夢日入我懷何也堅曰日月者陰陽之精極貴之象吾子孫其興乎

搜神記

日月入懷

詳解介部簡文帝

車中載日月

詳舟車部鄭光

日入懷

孝景王皇后武帝母也內太子宮夢日入其懷以告太子曰此貴徵也七月七日生男於猗闌殿是為武帝漢書

負日而行

王美人趙國人也以良家子應法相選入掖庭時靈思何皇后性彊忌後宮莫不震懾美人有娠畏后乃服藥欲除之而胎安不動又數夢負日而行光和四年生皇子協后

天象

卷之一

五

遂鳩殺美人協養於董太后靈帝崩皇子辯即位董卓將兵入洛陽廢辯為弘農王而立協是為獻帝漢紀

日環其城

王敦將舉兵內向明帝密知之乃乘巴滇駿馬微行至於湖陰察敦營壘時敦正晝寢夢日環其城驚起曰此必黃龍鮮卑奴來也蓋帝母荀氏燕代人帝生類外氏鬚黃故敦云云晉書

乘龍上天逐日

南齊主蕭道成年十七時嘗夢乘青龍上天西行逐日後受宋禪云南史

抱日

梁武帝蕭衍以宋大明元年生于秣陵先是皇妣張氏嘗夢抱日已而有娠遂產帝南史

大小二日關

陳文帝夢大小二日關大者光滅墜地色正黃其大如斗帝三分取一懷之南史按當時經候景之亂分崩離析帝之繼統僅得其三分之一似亦與夢符云

為日所逐避牀下

北魏世宗母高夫人初夢為日所逐避於牀下日化為龍繞已數匝寤而驚悸遂有娠是生世宗於平城宮北史

天象

卷之二

六

日入懷

劉淵張夫人懷孕夢日入懷寤以告淵淵曰此吉徵也慎勿言十五年而生聰焉北史

抱日而歸

閻英以外戚寵任歷官至平州刺史被徵入朝夢日墜其所居黃山下水中村人以車牛挽致不能出英獨抱載而歸聞者異之後族子負及伯夫等共為飛語誣謗朝政坐族孝文以明太后故罪止一門英竟獲免北史

吞日

毛貞輔累為邑宰應選之廣陵夢吞日既寤腹猶熱以問

侍御史楊廷式楊曰此夢至大非君所能當若以君而言
當得赤烏場官也果如其言稽神錄

捧日授已

宋杜太后夢神人捧日授已而有娠遂生太宗宋史

日輪逼已

元德李后歸宋太宗夢日輪逼已承以裾光耀遍體驚寤
是生真宗宋史

四日並出

宋徽宗在燕山謂閣門宣贊舍人管幹龍德宮曹勛曰我
夢四日並出此中原爭立之象不知中原之民尚肯推戴
天象

卷之一

康王否因出御衣絹半臂親書其領中曰便可即真來救
父母通鑑綱目

日出雲捲

元歸賜將生其母楊氏夢朝日出東山上有輕雲來掩之
故名之曰賜賜學無師傳而精敏過人登至順元年進士
第歷官至集賢學士有強幹聲且多建白為元末名臣云

日光日隱中

詳棟宇部文昭皇后

日光射身人授筆

詳文翰部楊奐母

日出室內

詳棟宇部拓跋珪

日精服之生貴子

詳鱗介部劉豹

兩日在水下

詳走獸部符融

日入脰中

詳人身部慕容德母

陟山捧日

詳地理部楊炎

天象

卷之一

射月入泥

鄢陵之戰晉呂錡夢射月中之退入於泥占之曰姬姓日
也異姓月也必楚王也射而中之退入於泥亦必死矣及
戰射其王中目王召養由基與之兩矢使射呂錡中項伏
殺以一矢復命左傳

月入懷

王禁妻李氏任政君任身夢月入其懷及壯大婉順嘗許
嫁未行所許者死後東平王聘政君為姬未入王薨禁獨
怪之使卜數者相政君當大貴不可言禁心以為然迺教
書學鼓琴五鳳中政君年十八矣入掖庭為家人子歲餘

會皇太子所愛幸姬死宣帝令皇后擇後宮家人子可以
虞侍太子者使掖庭令送政君太子宮見內殿得御幸有
身甘露三年生成帝於中館漢書

月墮懷中

梁阮脩容夢月墮懷中因而有娠是生元帝梁書

月入懷

北齊婁太后孕魏二后竝夢月入懷北史

吞月輪

京兆尉遲襄氏夢掌月輪吞之寤而有孕是生神僧窺基
為慈恩教宗神僧傳

月宮

玄宗嘗坐朝時以手指上下按其腹朝退高力士進曰陛
下向來數以手指按其腹豈非聖體小不安耶玄宗曰非
也吾昨夜夢遊月宮諸仙娛余以上清之樂流亮清越殆
非人所聞也酣醉久之合奏清樂以送吾歸其曲凄楚動
人杳杳在耳吾向以玉笛尋盡得矣坐朝之際慮或遺忘
故懷玉笛時以上下尋之非不安也力士再拜賀曰非常
之事也願陛下為臣一奏之上試奏其音寥寂然不可名
也力士又奏拜且請其名字笑曰此曲名紫雲迴載於樂
章太常刻石在焉開元傳信記

挾入月中

何仲舉母嘗夢挾之入月中尋登後唐長興進士

月入懷

宋劉后母龐氏夢月入懷有娠是生后

月中有花

元月魯不花就試江浙鄉闈中選右榜第一方揭曉試官
夢月中有花已而果符其名及登元統元年進士第敗歷
中外頗著聲績後死倭難獲贈典謚忠肅

履眾星

高歡嘗夢履眾星而行覺而內喜後果代魏北史

星墜壓脚

陳奇初被召夜夢星墜壓脚明日告人曰星則好風星則
好雨夢星壓脚必無善徵但時命峻切不敢不赴耳竟以
造謗書見枉致大戮北史

長庚星

李白母方娠夢長庚星入懷故名白字太白

流星入口

唐葉法善母夢流星入口吞之乃孕五月而生法善後
遇神人擅道術高宗徵至京授上卿不拜請度為道士

伍喬星

伍喬居廬山詩調清苦山中浮屠夢一大星旁有人指曰此伍喬星也後首舉進士南唐書

流星墮地

吳鄂帥王璵少為小將從軍圍潁州夜夢道士告之曰但有流星墮地能避之當至將相明日衆軍攻城城中矢石如雨璵仗劍倚柵木而督戰俄有大石正中其柵木及璵鎧甲之半皆糜碎而璵無傷因歎曰流星正爾耶由是自負卒至大官稽神錄

大星墜懷

黃潛母童氏夢大星墜于懷乃有娠歷二十四月始生潛天象

天象
卷之一

潛生而俊異比成童授以詩書不一日成誦追長以文名於四方中進士第歷官多善政以清風高節名壽八十一封江夏郡公謚文獻元史

文昌星

呂思誠母馮氏夢一丈夫烏巾白襴衫紅鞵束帶趨而揖曰我文昌星也及寤遂生思誠思誠目有神光見者異之後數歷中外言論風旨政事俱有聲官至國子祭酒中書左丞謚忠肅元史

授以大星

小雲石海涯其父楚國忠惠公名貫只哥故小雲石海涯

遂以貫為氏別號酸齋即藝苑所稱貫酸齋是已其母廉氏夢神人授以大星使吞之已而有娠是生酸齋酸齋生而神彩秀異十三膂力絕人能持鰲騰跨惡馬挽強射生稍長折節讀書目五行下吐辭為文出人意表襲祖父爵不久讓其弟及拜官禁近又能抗疏論事已而辭疾解組依隱玩世為勝國名流云元史

星墜臥內

曾學士鶴齡母胡氏夢星墜臥內感而生鶴齡至永樂辛丑狀元及第狀元錄

一星搖動隕地

天象

天象
卷之一

何學憲景明將發大梁之夕夢一星搖動隕地其光上發厥明有報高夔州疾甚者及何至高蓋亡一日矣何氏集

月星雲霞

興化宗比部內有娠夢月星雲霞卜人曰是有子也而文已而生學憲臣少年成進士高第政績詩文為海內所推卒於閩化名宦志狀

十間氣傳體

常熟陳氏譚母夢十間氣下傳體遂娠生子察舉進士為監察御史歷官至僉都御史以直節稱享年八十三余集

老人星見

詳名姓部臧愚

風 大風吹塵

黃帝夢大風吹天下之塵垢皆去寤而歎曰風為號令執政者垢去土解天下豈有姓風名后者哉求之得風后於海隅登以為相世說

曲巷勒迴風

劉琨少謁夢於大乾神廟夢金牌上有曲巷勒迴風五字覺而志之迨登第除諸王教授一夕上幸宮邸問諸王課荅以屬對時月照牕隙上曰可對斜牕拘明月諸主方思索琨以曲巷勒迴風對上謂語有神助

天象

八卷之一

三十三

行雲

楚王嘗遊高唐怠而晝寢夢見一婦人曰妾巫山之女也為高唐之客聞君遊高唐願薦枕席王因幸之去而辭曰妾在巫山之陽高丘之岵且為行雲暮為行雨朝朝暮暮陽臺之下旦朝視之如言故為立廟號曰朝雲文選

玄雲日月纏其形

後聖君之母先夢玄雲日月纏其形乃感而孕焉九玄紀

雲化為鳳集左肩

徐陵字孝穆母臧氏嘗夢五色雲化而為鳳集左肩上已而誕陵焉時有寶誌上人者世稱其有道人携陵候之

陵時數歲寶誌手摩其頂曰天上石麒麟也陵後位光祿大夫太子太傅卒為名臣云

黑雲從西北

魏僕射元順夢黑雲一段從西北直來觸東南日月俱破眾星皆翳天地盡闇俄而雲散日出自西南隅甚明云是長樂王日尋見莊帝從閭闔門入登太極殿唱萬歲者三百官咸加朝服謁帝唯順集書省步廊西槐樹下脫衣冠臥既寤告元暉業曰吾昨夜殊自不佳既述此夢因解之曰黑雲氣之惡者是北方之色終當有北敵亂京師害二宮殘毀百寮何者日君象也月后象也眾星百官象也以

天象

八卷之一

三十四

此言之京邑且有禍乎雖然彭城王勰有文德於天下今夢其兄為天子積德之報始有然矣但恨其得之不久所以然者出自西南以時易年不過三載且我不及見之蓋我臥槐樹下槐字木傍有鬼也復解冠冕非死兆乎庶亡後可得三公贈耳後一如其所解云北史

慶雲覆身

張鷟初舉進士至懷州夢慶雲覆其身其年對策第一

吞五色雲

張迥苦吟夢吞五色雲遂精雅道

一兒乘紫雲

文天祥大父夢一兒乘紫雲而下已而復上行生天祥初命名雲孫字天祥後以字行字履善及廷試第一理宗見其名曰天之祥乃宋之瑞也字之曰宋瑞吉安贛州志

赤霓雲中下

詳走獸部武帝

雷電 風雷雨電

竇泰之母夢風雷暴起若有雨狀出庭觀之見電光奪目駛雨霑灑而驚汗遂有娠暮而不產大懼有巫曰渡河滿裙產子必易母便向水所忽見一人曰當生貴子可徙而南毋從之俄而生泰泰後以功累遷侍中京畿大都督終

于御史中尉北齊史

雷電光燭身

宗澤母劉夢天大雷電光燭其身翌日而澤生後為南宋名將之冠宋史

雷斧之下

紹興間顧德僖妻張氏夢神告以宿世為惡明日當死雷斧之下張驚寤猶聞殷殷雷聲因自分必死念姑老當驚恐乃更衣出立門外桑下待之俄聞空中有聲上帝知汝孝念已赦汝矣自此益為善以眉壽終夢譚

雷電隨龍東北去

詳鱗介部宋太祖

虹 虹流華渚

黃帝時有大星如虹下流華渚女節夢接之意感生少昊帝紀

雙虹升天

李特妻羅氏夢雙虹自門升天一虹中斷後生蕩及雄常言吾二子若有先亡其存者必大貴及蕩與羅尚戰馳馬追擊角牛倚矛被傷死雄後為成都王僭即帝位史

雨候甚近

安德裕知廣濟軍是歲亢旱因禱于髯山神祠方炷香神

天象

天卷之一

十六

自幃中冉冉而出古服我冠拱揖而前立德裕以為至誠所感殊不為懼遂訴愆亢之災荅曰某堆阜之神也叨鄉人之薦媿無酬荅恨力小地卑不能興致雲雨雖云龍司其職動息由天某當為公至主者之所密候雨信先期奉報言訖而隱德裕是夕夢神曰雨候甚近只在來早及期大澍山野錄

地理部

地 賜茅土王翼軫之地

吳孫堅母懷妊夢一童女負之繞吳閭門三匝天授以芳茅一莖童女語云此善祥也必生才雄之子今賜母此茅

土王於翼軫之地鼎足於天下不出二百年語畢而覺及旦筮之上人曰童女太白之精也

王子年拾遺記

青氣自地屬天

文帝問周宣曰我昨夜夢青氣自地屬天何也宣對曰當有貴女子寃死是時帝已遣使賜甄后璽書聞宣言而悔之遣人追使者不及矣

魏史

中原牧守以地來降

梁武帝嘗夜夢中原牧守以地來降曰吾為人少夢昨夜感此良足慰懷及侯景歸附帝欣然自悅乃議納之

梁書

氏謂夢固非一端武帝之夢想所生也且正月丙午高歡卒而景以辛亥降西魏乙卯降辛亥魏四日耳豈暇定南

堆傍地悉耕熟

詳品物部爾朱兆

國華胥國

黃帝即位十有五年喜天下戴已養正命娛耳目供鼻口熈然肌色好黠昏然五情爽惑又十有五年憂天下之不治竭聰明進智力營百姓焦然肌色好黠昏然五情爽惑黃帝乃喟然歎曰朕之過淫矣養一己其患如此治萬物其患如此於是放萬機舍宮寢去直侍徹鐘懸減廚膳退而間居大庭之館齊心服形三月不親政事晝寢而夢遊

於華胥氏之國華胥氏之國在弇州之西台州之北不知

斯齊國幾千萬里蓋非舟車足力之所及神游而已其國

無帥長自然而已其民無嗜欲自然而已不知樂生不知

惡死故無天殤不知親已不知疎物故無愛憎不知背逆

不知向順故無利害都無所愛憎都無所畏忌入水不溺

入火不熱斫撻無傷痛指擗無瘡癢乘空如履實寢虛若

處牀雲霧不礙其視雷霆不亂其聽美惡不滑其心山谷

不躓其步神行而已黃帝既寤悟然自得召天老力牧太

山稽告之曰朕間居三月齋心服形思有以養身治物之

道弗從其術疲而睡所夢若此今知至道不可以情求矣

地理

卷之六

六

朕知之矣朕得之矣而不能以告若矣又二十有九年天

下大治幾若華胥氏之國而帝登遐

列子

大福德人當入國

龜茲國王夢神告曰有大福德人明當入國汝應供養明日勅外司有異人入境必馳奏聞俄而曇摩密多畢至王郊迎請入宮宣戒居數載客有去心神又降夢曰福德人捨王去矣王驚覺固留莫能止

神僧傳

歸故國

南唐李後主歸宋後夢歸故國與嬪妾相歡既寤作浪淘沙一詞云簾外雨潺潺春意闌珊羅衾不耐五更寒夢裏